



# **Universitätsbibliothek Paderborn**

**Defensio Abbatiæ Imperialis S. Maximini**

**Zyllesius, Nicolaus**

**Treveris, 1638**

Art. 3. on probari posseßionem Archiepiscopi ex eius Diplomatis, quin immo ex illis & inuestiendi facto euidenter probari contrarium.

**urn:nbn:de:hbz:466:1-14268**

mutatione præscriptionem sibi inducere, iuris est indubitati. *I. Posſideri 3. §. Al-*  
*lud quoque ff de acquir. vel amitt. pos. l. 5. C. eod. l. 33. §. 1 ff de usucap. l. 6. §. 3 ff. de pre-*  
*cario. d. l. male agitur C. de Præsc. 30. vel, 40. annor.*

*Art. 2. Mala fides quoque præscriptionem impediuit.*

**D**einde ex aliâ causâ malæ fidei, quæ ex scientia rei alienæ probatur, & ex  
 titulo illo domi retento, quem quavis occasione inuestiendi occurrente,  
 ipsi Archiepiscopi obſeruabant, & practicabant inuestituras impertien-  
 do Imperatoris nomine ac vicissim fidem Imperatori non sibi præſtitam reci-  
 piendo, funditus eradicator præscribendi facultas, ac in æternum impeditur,  
 ipso voto testante, ac Canonistis omnibus ex titulo vitiōſo, vel cuius lectura  
 repugnat præscriptioni; vel qui scientiam res alienæ inducit, mala fides ar-  
 guitur, quæ præscriptionem in æternum impedit. *Tusch. verb. Præscriptio Conc.*  
*§ 21. num. 35.*

Ac sanè dum considerare incidit, quod adeo manifestum est, Archiepisco-  
 pos infeudationes conferre debere Imperatorio nomine, eos ipſos, ut ſic con-  
 ferrent impetrâſſe, ac de facto ſemper ita contuliffe, ſimiliterque Imperatori  
 non ſibi præſtitā fidelitatis iuramenta recepiffē tanquam Imperatoris Com-  
 missarios ac Mandatarios, vti manifestè ex documentis conſtat sub Num. 51. &  
 feqq. Et tamen quod poſtea attentatum ſit inuestiendi fideique iurandæ for-  
 mat mutare, & talem formam ob oculos hominum in libello euulgare, ſup-  
 pressis veris & genuinis titulis, quiſquis iſtius rei author aut ſuafor fuerit, quiſ  
 non admiretur iſtam fidem? *Quis non, vel ex simplici iudicij naturalis lumine*  
*iſtum, qui ex talibus machinationibus aliorum iura inuadere prætenderet, re-*  
*pellat & ad conscientię simul ad Dei tribunal remittat?*

Itaque hīc ſubſiſtere ſatis ſuperque fuerit; & habet ex nunc voti auctor abun-  
 de, vnde in præscriptionis titulo inducendo non angatur.

Et tamen opera pretium fuerit ex abundantia, cætera allegata examinare.

*Art. 3. Non probari possessionem Archiepiscopi ex eius Di-  
 plomatis, quin immo ex illis & inuestiendi facto eu-  
 denter probari contrarium.*

**P**utat ex Diplomatibus Archiepiscopalibus probari pro illo possessionem,  
 præfertim ex Conradino & Fridericiano, quæ tamen inualida, ſubreptitia  
 nulla, ac nullum effectum fortita fuiffe, nec fortiri potuiffē haec tenus ſuolo-  
 co demonſtratum eſt, nec Diplomatibus Maximilianis, tam anterioribus,  
 quam posterioribus, quoad ullum effectum comparanda, quæ ſanè ad possessionem  
 quoque Maximilianorum probandam ijs ipſis rationibus, quas votum  
 ad fert, longè lateq; antecellunt.

Ac quod magis eſt, ex ipſis prætensis Conradino ac Fridericiano probatur,  
 quod ante illa possessionem Abbatia non habuerint Archiepiscopi, qui per il-  
 la conquerebant ablatam à ſe eſſe Abbatiam, illam ſibi redi postulabant,  
 atqui ablatum non eſt, quod poſſidetur, redi item non poſteſt ei, qui poſ-  
 ſidet.

Non potuiffē Abbatiam illorum Diplomatū prætextu, iure acquiri, cor-

itac

stat ex ratione deductatum nullatum ac iniustitiæ.

Non acquisiuisse de facto, constat ex statu Monasterij continuato, atque ex ipsius Documentis, tam præcedentibus, quam subsequentibus eandem status continuationem probantibus.

Ac specialiter probatur per ipsum Maximiliani I. Diploma, quo eis concessum est, ut infeudarent Imperatoris nomine, utque eius vicem eo in facto gererent, quod incompatibile est cum possessione rei, ipso voto teste, loco supra citato.

Probatur deinde per seriem continuam actuum infeudationum post idem Diploma ad hominum mutationes renouatarum, ac fidelitatem Imperatori præstitarum, quam vide sub N. 51. & seqq.

In quibus ab Impetrazione eiusdem Diplomatis usque ad Ioannem Isenburgicum, sub quo lis ista Spirensis coepit, continuo ac perpetuo tenore per Archiepiscopos infeudationes sive inuestituræ Abbatibus traditæ fuerunt Imperatoris nomine, tanquam eiusdem commissarios, ac reciprocè Abbates Imperatori fidem iurauerunt in manibus ipsorum Archiepiscoporum, in dictâ Commissariorum qualitate, ipsis Archiepiscopis ista non solum videntibus & scientibus, sed & præstantibus, facientibus & exercentibus. habes acta omnia successiuæ sub N. 51. & seqq.

Dic age quos possessores actus, dominicalis pro Imperatore iuris, pro Abbatibus immediatae sub eodem dominio dependentia, substancialiores habere queas istis, in quibus ipsa dominiorum, tam directi, quam utilis respectiue recognitio versatur, ac ipsorum eorundem dominiorum possessio renouatur, reiteratur, traditur, teste inuestituræ definitione?

Sed & in ipso cœpti processus Spirensis puncto, in quo votum istud confessum fuisse prætenditur, videre dignum est, qualiter ipse Ioannes Isenburgicus Archiepiscopus (cuius duœ ille idem processus suscepimus fuit) eandem inuestituram tradiderit eodem Imperatoris nomine, ac expressè profiteatur, se Commissarium esse, ex parte eius id facere, & tanquam mandatum habentem, ac deinde, qualiter illo suscipiente, Abbatis procuratores iuramentum fidemque Imperatori Imperioque præstent, sub N. ....

Item & dignum est videre eiusdem Isenburgici representationem Imperatori factam, quâ asserit Abbatiam immediate Imperio Imperatoriique subesse, à nemine alio dependere. *Parte I. cap. 1. Sect. 2.*

Ista sunt præclara & ex istis egregiam possessionem habes, unde dominij præscriptionem Archiepiscopis construas.

Stali qui actus ad Iurisdictionis, dominij sive Iurisdictionalis possessionem inducendam spectandi sunt, ut spectari debere magno molimine exaggerat votum, nunquid isti Maximilianorum possessionem in vniuersum firmiter stabiliri?

Iacta nunc tuas in Conuentibus comparitiones, rusticorum rumores, collectarum distributiones, quâ fronte illa tanquam in subditos usurpes, qui perpetuo rerum fluxu, fassus es, & agnouisti subditos non esse, illos non ad te, sed ad Imperatorem Imperiumq; Dominij iure pertinere.

#### *Art. 4. Non probari possessionem Archiepiscopi per depositiō- nem testium, sed contrarium.*

**E**X testium, qui in Spirensi illo processu auditu sunt, depositione, facta aliqua corrasit voti auctor, nempe hæc, quod Abbas dicatur venisse ad conuentus